

ԳՈՐԾԱԴԻՐ

ՍԱՀՄԱՆՎԵՅ ԲԺՇԿԱԿԱՆ ԾԱՌԱՅՈՒԹՅՈՒՆՆԵՐԻ
ՀԱՄԱՐ ՀԻՎԱՆԴԻ ՀԱՄԱՎՃԱՐԻ ՎԵՐԻՆ ՉԱՓԸ

Ապրիլի 11-ին Վրաստանի վարչապետ Իրակլի Դարիբաշվիլու նախագահությամբ անցկացվեց երկրի կառավարության հերթական նիստը:

Քննարկվող հարցերի թվում էին «Համընդհանուր առողջապահությանն անցնելու նպատակով անցկացվելիք առանձին միջոցառումների մասին» կառավարության որոշման լրացումը, ըստ որի, սահմանվում էր հիվանդի կողմից բժշկական սպասարկման համար համավճարման վերին սահմանը: Ինչպես քննարկմանը նշեց վարչապետը, «Համընդհանուր առողջապահության համակարգը» իսկապես դառնալու է համընդհանուր:

Կառավարության սույն որոշումն ընդունվել է ելնելով հիվանդների շահերից եւ բնակչության համար որակյալ բժշկական ծառայությունների հասանելիությունն է՛լ ավելի մեծացնելու նպատակով: Մասնավորապես, կենսաթոշակային տարիքի անձանց համար համավճարի մասնաբաժինը կկազմի 10 տոկոս, բայց ոչ ավելի, քան



500 լարի, 0-5 տարեկան երեխաների, հաշմանդամ երեխաների, ծանր հաշմանդամություն ունեցող անձանց եւ ուսանողների համար՝ 20 տոկոս՝ ոչ (Շարունակությունը՝ 3-րդ էջում)

ԱՊՐԻԼԻ 14-Ը՝ ՎՐԱՑ ԼԵԶՎԻ ՕՐ

ՄԱՅՐԵՆԻ ԼԵՉՈՒՆ ԵՐԿՐԻ ԻՆՔՆՈՒԹՅԱՆ ՇՐՋԱՆ ՈՒ ՉՐԱՀՆ Է



Ապրիլի 14-ին Վրաստանը նշեց «Վրաց լեզվի օրը»: 1990 թվականից «Վրաց լեզվի օրը» իր պատվավոր տեղը զբաղեցրեց երկրի պետական տոների օրացույցում:

Յուրաքանչյուր ազգի համար մայրենի լեզվի պահպանությունն ու զարգացումը ազգի ինքնության յուրահատկության պահպանման գլխավոր նախադրյալն է, իսկ

ազգային պետությունների դեպքում՝ անկախության, ինքնիշխանության գլխավոր նախապայմանը: Եվ պատահական չէ, որ ՅՈՒՆԵՍԿՕ-ն փետրվարի 21-ը հռչակեց «Մայրենի լեզվի օր», եւ այն տոնվում է 2000 թվականից: Այդ առումով բացառություն չեն կազմում նաեւ Վրաստանը:

(Շարունակությունը՝ 4-րդ էջում)

ԱՅՑ

ՔՆՆԱՐԿՎԵՑԻՆ ԵՐԿԿՈՐՄ ՀԱՄԱԳՈՐԾԱԿՑՈՒԹՅԱՆ ՈՒ ՏԱՐԱՇՐՋԱՆԱՅԻՆ ԱՆՎՏԱՆԳՈՒԹՅԱՆ ՀԱՐՑԵՐ
ՎՐԱՍՏԱՆԻ ՎԱՐՉԱՊԵՏԸ ԱՂՐԵՑԱՆՈՒՄ

Ապրիլի 7-ին Վրաստանի վարչապետ Իրակլի Դարիբաշվիլին երկօրյա այցով գտնվում էր Ադրբեջանում:

Այցի շրջանակներում, Վրաստանի վարչապետը հանդիպում ունեցավ Ադրբեջանի նախագահ Իլհամ Ալիևի հետ:

Հանդիպմանը կողմերը քննարկեցին տարբեր ոլորտներում երկու երկրների արդյունավետ համագործակցությունը եւ տարածաշրջանային անվտանգության հարցեր, անդրադարձան Կովկասի տարածաշրջանը եւ

որպային կապող Սեւ ծովի ստորջրյա էներգետիկ մալուխի պատմական նախագծին, քննարկեցին նախագծի դինամիկան եւ ծրագրի հետ կապված ապագա գործողությունները:

Վրաստանի վարչապետ Իրակլի Դարիբաշվիլին Ադրբեջանի նախագահ Իլհամ Ալիևի հետ միասին այցելեց



Գաբալի սպասարկման ASAN Service կենտրոն:

ԵԿԵՂԵՑԱԿԱՆ

ՍՈՒՐԲ ՀԱՐՈՒԹՅԱՆ ՏՈՆԸ՝ ՎԻՐԱՀԱՅՈՅ ԹԵՄՈՒՄ

Ապրիլի 9-ին Հայ Առաքելական Սուրբ Եկեղեցին նշեց Մեր Տեր Հիսուս Քրիստոսի Սուրբ Հարության տոնը՝ Սուրբ Ջատիկը:

Վիրահայոց թեմում նշվեց հավատացյալ բազմության մասնակցությամբ եւ Հայոց եկեղեցու կանոններով:

Հավատացյալներով լեփ-լեցուն էին Թբիլիսիի Սուրբ Գեորգ առաքնորդանիստ եւ Հավաքարի Սուրբ Էջմիածին եկեղեցիները, բակը եւ մերձակա տարածքը: Հավատացյալները գալիս էին ընտանիքներով,

օրվա առիթով զատկական ներկածվերով, քաղցրավենիքով եւ մոմերով զարդարված զամբյուղներով:

Տոնական օրը սկսվեց եկեղեցիներում ժամերգության եւ Անդաստանի արարողություններով: Թեմի Սուրբ Գեորգ առաքնորդանիստ եկեղեցում, Հիսուս Քրիստոսի Հրաշափառ Հարության տոնի առիթով Սուրբ

(Շարունակությունը՝ 2-րդ էջում)



ԱՊՐԻԼԻ 9-Ը՝ ԱԶԳԱՅԻՆ ՄԻԱՍՆՈՒԹՅԱՆ ՕՐ

ՀԱՐԳԱՆՔԻ ՏՈՒՐԲ՝ ՉՈՀՎԱԾՆԵՐԻ ՀԻՇԱՏԱԿԻՆ

Ապրիլի 9-ին, թբիլիսյան ողբերգության 34 եւ Պետական անկախության հուշագրի ընդունման 32-րդ տարեդարձի առթիվ Վրաստանի վարչապետ Իրակլի Դարիբաշվիլին,



«Վրացական երազանք» կուսակցության նախագահ Իրակլի Կոբախիձեն, խորհրդարանի նախագահ Շավլա Պապուաշվիլին, Թբիլիսիի քաղաքապետ Կախա Կալաձեն, նախարարների կաբինետի եւ խորհրդարանի անդամները ծաղիկներով զարդարեցին Ապրիլի 9-ի հուշահամալիրը եւ հարգանքի տուրք մատուցեցին զոհված հերոսների հիշատակին:

Հիշեցնենք, որ 34 տարի առաջ, 1989 թվականի ապրիլի 9-ի վաղ առավոտյան, խորհրդային Մի-

ության զինված ուժերի ստորաբաժանումները Թբիլիսիի կենտրոնում, խորհրդարանի շենքի մոտ, ցրեցին խաղաղ բողոքի ցույցը, որը հանգեցրեց մարդկային զոհերի՝ զոհվեց 21 մարդ, հարյուրավոր քաղաքացիներ թունավորվեցին անհայտ բաղադրության շմոլ գազից: Ավելի ուշ, 1991 թվականի ապրիլի 9-ին, Գերագույն խորհուրդը հայտարարեց Վրաստանի պետական անկախության վերականգնման մասին:

ԾԱՂԿԵՊԱԿ՝ ՎԻՐԱՀԱՅՈՑ ԹԵՄԻ ԱՆՈՒՆԻՑ

Ապրիլի 9-ի Ջատկական Սուրբ Պատարագից հետո, Վիրահայոց թեմը թեմակալ առաջնորդ Տեր Կիրակոս վարդապետ Դավթյանի օրհնությամբ, իր հարգանքի տուրքը մատուցեց 1989 թվականի ապրիլի 9-ին Վրաստանի անկախության համար Թբիլիսիում տեղի ունեցած ողբերգության զոհերի հիշատակին եւ Թեմի անունից Վրաստանի խորհրդարանի շենքի դիմաց, Ռուսթավելու պողոտայի վրա կանգնեցված Ապրիլի 9-ի զոհերի հուշակոթողին ծաղկեպսակ տեղադրեց:



ԴԻՐՔՈՐՈՇՈՒՄ

ՎԱՐՉԱՊԵՏԸ ՀԱՆԴԻՊԵՑ
ԱՐԴԱՐԱԴԱՏՈՒԹՅԱՆ ԲԱՐՁՐԱԳՈՒՅՆ
ԽՈՐՀՐԴԻ ԱՆԴԱՄՆԵՐԻ ՀԵՏ

Ապրիլի 10-ին Վրաստանի վարչապետ Իրակլի Դարիբաշվիլին հանդիպում ունեցավ Արդարադատության բարձրագույն խորհրդի անդամների հետ: Ինչպես արդեն հաղորդել ենք, ԱՄՆ-ի Պետդեպարտամենտը պատժամիջոցներ է կիրառել երեք գործող եւ մեկ նախկին դատավորի նկատմամբ:

ԱՄՆ-ը պատժամիջոցներ է կիրառել Միխեիլ Չինչալաձեի, Լեւան Մուրուսիձեի, Իրակլի Շենգել-

լիայի եւ Վալերիան Ցերցվաձեի նկատմամբ: Վրաստանի Գերա- (Շարունակությունը՝ 2-րդ էջում)

ԵՐԿՐԻ ԴԵԿԱՎԱՐՆԵՐԸ ՄԵՉ ՇՆՈՐՀԱՎՈՐԵՅԻՆ
ՍՈՒՐԲ ՀԱՐՈՒԹՅԱՆ ՏՈՆԻ ԱՌԻԹՈՎ

Ապրիլի 9-ին Մեր Տեր Հիսուս Քրիստոսի Սուրբ Հարության տոնի՝ Սուրբ Ջատկի առիթով իրենց շնորհավորանքները հղեցին Վրաստանի վարչապետ Իրակլի Դարիբաշվիլին, նախագահ Սալոմե Ջուրաբիշվիլին, Հաշտեցման եւ քաղաքացիական իրավահավասարության հարցերով պետնախարար Թեա Ախվեղիանին:

«Շնորհավորում են քրիստոնյաների համար այս կարեւորագույն եւ ուշագրավ իրադարձության՝ Սուրբ Ջատկի փառավոր տոնի առիթով:

Ես միանում եմ այս մեծ ու-

րախությանը եւ մաղթում առողջություն, խաղաղություն եւ բարեկեցություն»,- ասված է վարչապետ Իրակլի Դարիբաշվիլու հայտարարության մեջ:

(Շարունակությունը՝ 2-րդ էջում)

ԴԻՐՔՈՐՈՇՈՒՄ

ՎԱՐՉԱՊԵՏԸ ՀԱՆԴԻՊԵՑ ԱՐԴԱՐԱԴԱՏՈՒԹՅԱՆ ԲԱՐՁՐԱԳՈՒՅՆ ԽՈՐՀՐԴԻ ԱՆԴԱՄՆԵՐԻ ՀԵՏ

(Սկիզբը՝ 1-ին էջում)

գույն դատարանում կայացած հանդիպման քննարկման թեման ԱՄՆ-ի սահմանած պատժամիջոցներն էին:

Հանդիպմանը Վրաստանի վարչապետն առանձնակի ընդգծեց, որ դատավորների վրա ցանկացած միջամտություն կամ ազդեցություն անընդունելի է:

- Ես՝ որպես կառավարության ղեկավար եմ կառավարող թիմի ներկայացուցիչ, լիովին աջակցում եմ բոլոր դատավորներին: Մեր իշխանու-

թյան օրոք դատական համակարգը դարձել է անկախ, զերծ՝ թե՛ ներքին, թե՛ արտաքին ցանկացած միջամտությունից: Իհարկե, դատավորների վրա ցանկացած միջամտություն կամ ազդեցություն անընդունելի է: Սա բացարձակապես անընդունելի է մեզ, բոլորի, հատկապես՝ ինքնիշխան երկրի ինքնիշխան դատարանի եւ դատավորների համար: Ես նաեւ վստահեցրել եմ հարգարժան դատավորներին մեր լիակատար աջակցությունը, - ասաց Իրակլի Դարիբաշվիլին

եւ հավելեց, որ «Վրացական երազանքի» կողմից անցած տասը տարիներին անցկացվել է դատական իշխանության բարեփոխման 4 ակիբ:

- Բարեփոխումների չորս ակիբների արդյունքն այն է, որ այսօր դատարանը բացարձակապես օրինակելիներից մեկն է ողջ եվրամիությունում, ար-



դարադատության ինդեքսով Վրաստանն առաջ է անցել եվրամիության անդամ 11 եւ ՆԱՏՕ-ի անդամ 13 երկրներից, այդ թվում՝ կոռուպցիայի ընկալման վարկանիշներով:

ՀԱՄԱԳՈՒՄԱՐ

ԳԻՈՐԳԻ ՄԱՄԱՑԱՇՎԻԼԻՆ՝ ՎՐԱՍՏԱՆԻ ԺՈՒՌՆԱԼԻՍՏՆԵՐԻ ՍՏԵՂԾԱԳՈՐԾԱԿԱՆ ՄԻՈՒԹՅԱՆ ՆԱԽԱԳԱՀ

«ՎՐԱՍՏԱՆ» ԹԵՐԹԻ ԳԼԽԱՎՈՐ ԽՄԲԱԳԻՐ ՎԱՆ ԲԱՅՔՈՒԹՅԱՆ ԿԵՐԵՆՏՐՎԵՑ ԺՈՒՌՆԱԼԻՍՏՆԵՐԻ ՄԻՈՒԹՅԱՆ ՎԱՐՉՈՒԹՅԱՆ ԱՆԿԱՍ



Ապրիլի 8-ին Թբիլիսիում կայացավ Վրաստանի ժուռնալիստների ստեղծագործական միության 6-րդ (կազմակերպության հիմնումից՝ 17-րդ) համագումարը:

Այն ներածական խոսքով բացեց ժուռնալիստների միության անդամ, Վրաստանի Ազգային ակադեմիայի փոխնախագահ, ակադեմիկոս Ռոման Մետրեբելին:

Համագումարին ժուռնալիստների միության համանախագահ Մարինե Թեքումանիձեն ներկայացրեց հաշվետու ժամանակահատվածում կատարած աշխատանքների հաշվետվությունը:

Համագումարին ծայրերի մեծամասնությամբ Վրաստանի ժուռնալիստների ստեղծագործական միության նախագահ ընտրվեց «Ռեպորտիորի» գործակալության գլխավոր տնօրեն 45 ամյա Գիորգի Մամաջաշվիլին:

Համագումարը հաստատեց միության նոր վարչությունը, որի անդամներ վերընտրվեցին

«Վրաստան» թերթի գլխավոր խմբագիր Վան Բայքուրթյանը, «Վեչերնի Տբիլիսի» թերթի գլխավոր խմբագիր Վադիմ Անաստասիադին: Վարչության անդամ ընտրվեց նաեւ «Գյուրջիստան» թերթի լուսանկարիչ Շախ Այվազովը:



ԵԿԵՐՆԱԿԱՆ

ՍՈՒՐԲ ՀԱՐՈՒԹՅԱՆ ՏՈՆԸ՝ ՎԻՐԱՀԱՅՈՑ ԹԵՄՈՒՄ

(Սկիզբը՝ 1-ին էջում)

Պատարագ մատուցեց թեմակալ առաջնորդ Տեր Կիրակոս վարդապետ Դավթյանը:

Հրմբացս Սուրբ Պատարագի, պատարագիչ Հայր Սուրբ ընթերցեց Ն.Ս.Ս.Տ. Գարեգին Երկրորդ Ամենայն Հայոց կաթողիկոսի Ջատկական պատգամը:

Թբիլիսիի Սուրբ Գեորգ առաջնորդանիստ եկեղեցում Սուրբ Հարություն տոնին մատուցվող Սուրբ Պատարագին ներկա էին Վրաստանում Հայաստանի արտակարգ եւ լիազոր դեսպան Աշոտ Սմ-

բադյանը, Վրաստանի կրոնի հարցերով պետական գործակալության պետ Ջալալ Վաշադմաձեն, Վրաստանի կառավարության վարչակազմի, խորհրդարանական քարտուղարի ծառայության աշխատակից Կարեն Եղիազարյանը, Վրաստանի ժողովրդական պաշտպանի Հանդուրժողականության դեպարտամենտի ներկայացուցիչ Իգարելա Օսիպովան, «Վրաստան» թերթի գլխավոր խմբագիր Վան Բայքուրթյանը, Թբիլիսիի Պ.Ադամյանի անվան պետհայդրամայի թատրոնի գեղարվեստական ղեկավար Արմեն

Բայանդուրյանը, Վրաստանի կրթության եւ գիտության նախարարության աշխատակցուհի Կարինե Մանուկյանը:

Հիսուս Քրիստոսի Հարության տոնին նվիրված Սուրբ պատարագներ մատուցեցին Վիրահայոց թեմի Բաթումիի, Ռուսթավիի, Սամցխե-Ջավախեթիի, Քվեմո Բարթիկի տարածաշրջաններում՝ գործող հայոց եկեղեցիներում եւ հոգևոր կենտրոններում:

Երկուշաբթի օրը, եկեղեցիներում մատուցվող Սուրբ Պատարագից հետո, ի հիշատակ մեռելոց կատարվեց հոգեհանգստյան կարգ:

ԵՐԿՐԻ ՂԵԿԱՎԱՐՆԵՐԸ ՄԵՉ ԸՆՈՐՀԱՎՈՐԵՑԻՆ ՍՈՒՐԲ ՀԱՐՈՒԹՅԱՆ ՏՈՆԻ ԱՌԹՈՎ

(Սկիզբը՝ 1-ին էջում)

«Սրտանց շնորհավորում եմ Փրկչի Հարությունը Վրաս-

տանում եւ աշխարհում՝ Կաթողիկ, Հայ Առաքելական եւ Լյութերական եկեղեցիներին եւ նրանց ծխականներին» քրիս-

տոնեական այս մեծագույն տոնի կապակցությամբ:

Ես միանում եմ ձեր ուրախությանը, թող խաղաղություն-

ը, միասնությունը, առողջությունն ու բարեկեցությունը չապականեն», - գրել է Ջուրաբիշվիլին սոցցանցում:

ՌՈՒՄ - ՌԻԿՐԱԻՆԱԿԱՆ ՊԱՏԵՐԱԶՄ

ԱՄԵՆԱԾԱՆԻ ՄԱՐՏԵՐԸ ԲԱԽՄՈՒՏԻ ԸՐՁԱԿԱՅՔՈՒՄ ԵՆ

Ռուսական օկուպացիոն ուժերը շարունակում են ռազմական գործողությունները Բախմուտի, Ավդեւկայի, Մարիկայի եւ Լինանի ուղղություններով:

Ինչպես տեղեկացրել է ուկրաինական Ձինված ուժերի գլխավոր շտաբը, ամենածանր մարտերը Բախմուտի շրջակայքում են: Անցած օրերի ընթացքում ուկրաինական ուժերին հաջողվել է ետ մղել շուրջ 45 հարձակում:

ՌԻԿՐԱԻՆԱԿԱՆ ՀԱԿԱՅՐՁԱԿՈՒՄԸ ԿՍԿԱԿԻ ԱՄՈԱՆԸ

Ինչպես հայտնեցին Ուկրաինայի վարչապետ Դենիս Շմիգալան, ուկրաինական ուժերի հակահարձակումը կսկսվի ամռանը:

Վերոնշյալ փաստը հաստատեց նաեւ ԱՄՆ պաշտպանության նախարար Լոյդ Օստինը: Նրա խոսքով, Ուկրաինան ներկա դրությամբ ունի բոլոր հնարավորությունները հաջող հակահարձակման համար:

ՌԻԿՐԱԻՆԱՅՈՒՄ ԶՈՐԿԵԼ Է 8500 ԽԱՂԱՂ ԲՆԱԿԻՉ

Ինչպես տեղեկացրել է ՄԱԿ-ի մարդու իրավունքներ-

րի պաշտպանության գերագույն հանձնակատարի գրասենյակը, 2022 թվականի փետրվարի 24-ից հետո, Ուկրաինայում զոհվել է 8490 խաղաղ բնակիչ եւ վիրավորվել՝ 14244 մարդ:

Կազմակերպության տվյալներով, զոհվածների մեծ մասը գտնվում էր Ուկրաինայի իշխանության կողմից վերահսկվող տարածքում եւ զոհվել են ռուսական ուժերի կողմից իրականացված հրետանակոծման ու հրթիռակոծման արդյունքում: Ձոհվածների 3 927-ը բնակվում էին Դոնեցկի եւ Լուգանսկի մարզերում:

ԱՃՈՒՄ Է ՌՈՒՄԱԿԱՆ ԿՈՂՄԻ ԶՈՐՔԵՐԻ ԹԻՎԸ

Ինչպես տեղեկացրել է Ուկրաինայի Ձինված ուժերի գլխավոր շտաբը, 2022 թվականի փետրվարի 24-ից մինչեւ 2023 թվականի ապրիլի 12-ը ներառյալ, ուկրաինական բանակի կողմից սպանվել է 180 680 ռուս զինծառայող, ոչնչացվել՝ 3648 տանկ, 7021 զրահամեքենա, 2 784 հրետանային համակարգ, համազարկային 535 համակարգ, հակաօդային պաշտպանության 285 համակարգ, 306 ինքնաթիռ, 295 ուղղաթիռ, 5627 ավտոմոբիլային տեխնիկա, 18 մարտանավ, 2 343 անօդաչու թռչող սարք, 911 թեւավոր հրթիռ, 323 հատուկ տեխնիկա:

ՌԻԿՐԱԻՆԱՅԻՆԵՐԸ ԿՈՐՑՐԵԼ ԵՆ ԱՎԵԼԻ ՔԱՆ 160 ՀԱՅԱՐ ԶԻՆԾԱՌԱՅՈՂ

Ռուսաստանի պաշտպանության նախարարության կողմից հրապարակած տեղեկատվության համաձայն, 2022 թվականի փետրվարի 24-ից մինչեւ ընթացիկ տարվա ապրիլի 12-ը, ուկրաինական կողմից սպանվել է ավելի քան 160 հազար զինծառայող, ոչնչացվել է 8 647 տանկ եւ զրահամեքենա, 407 ինքնաթիռ, 228 ուղղաթիռ, 3 741 անօդաչու թռչող սարք, 415 զենիթահրթիռային համակարգ, զալպային կրակի հրթիռային 1 078 համակարգ, 4 570 հրետանային համակարգ, 9 483 ռազմական հատուկ տեխնիկա:

ՌԻԿՐԱԻՆԱՅՈՒՄ ԶՈՐԿԵՑ 42-ՐԴ ՎՐԱՅԻ ՄԱՐՏԻՎԸ

Ուկրաինայում Ռուսաստանի սանձազերծած պատերազմում, Բախմուտ քաղաքի մոտակայքում, զոհվել է եւս մեկ վրացի մարտիկ՝ Դավիթ Քուչուկիանին:

Նշենք, որ 2022 թվականի փետրվարի 24-ից Ուկրաինայում 42 վրացի մարտիկ է զոհվել:

Ըստ լրատվական գործակալությունների



ԱՄՆ ԶՈ ԲԱՅՐԵՆԸ ԿՄԱՄՆԱԿՑԻ 2024 ԹՎԱԿԱՆԻ ԸՆՏՐՈՒԹՅՈՒՆՆԵՐԻՆ

ԱՄՆ ներկայիս նախագահ Զո Բայդենը կմասնակցի 2024 թվականի ընտրություններին: Նա պատրաստվում է քվեարկել ԱՄՆ-ի փոխնախագահ Կամալա Հարիսի հետ միասին:

Սպիտակ տունն ասում է, որ վերջնական որոշումներ են կայացվում Բայդենի երկրորդ ժամկետի քարոզարշավը սկսելու վերաբերյալ:

ՀՐԱՉԳՈՒԹՅՈՒՆ ԼՈՒԻՍՎԻԼՈՒՄ. ԿԱՆ ԶՈՐՔԵՐ

ԱՄՆ Քենթուկի նահանգի Լուիսվիլ քաղաքում հրաձգություն է տեղի ունեցել: Արդյունքում 5 մարդ զոհվել է, 6-ը՝ վիրավորվել, այդ թվում՝ մեկ ոստիկան:

Փոխհրաձգություն է սկսվել կրակողի եւ ոստիկանների միջեւ: Ավելի ուշ ոստիկանությունը հայտնել է, որ կրակողը չեզոքացվել է:

ՄԵԾ ԲՐԻՏԱՆԻԱ ԸՆԴԱՅՆՎՈՒՄ ԵՆ ՀԱԿԱՌՈՒՄԱԿԱՆ ՊԱՏԺԱՄԻՋՈՑՆԵՐԸ

Մեծ Բրիտանիան ընդլայնել է հակառուսական պատժամիջոցների ցուցակը՝ դրամում ավելացնելով 11 նոր անուն եւ կատարելով մեկ ուղղում:

Պատժամիջոցների տակ հայտնվածների թվում են USM հոլդինգը, Curzon Square եւ Hanley ընկերությունները ձեռնարկատեր Ալիշեր Ուսմանովի հետ կապերի համար, ինչպես նաեւ Meritservus ընկերությունը, որը կապված է ռուսաստանցի գործարար Ռոման Աբրամովիչի հետ:

ԶԻՆԱՍՏԱՆ ԶՈՐԱՎԱՐԺՈՒԹՅՈՒՆՆԵՐԸ՝ ՈՐՈՂԵՍ «ԽԻՍՏ ՆԱԽԱԶԳՈՒՇԱՑՈՒՄ»

Չինաստանը զորավարություններ է սկսել թայվանի նեղուցում՝ որպես «խիստ նախազգուշացում»:

Դրա պատճառը Կալիֆոռնիայում թայվանի նախագահ Ցայ Ին Վենի հանդիպումն է ԱՄՆ Կոնգրեսի Ներկայացուցիչների պալատի նախագահ Քեւին Սաքքարթիի հետ:

Թայվանի տվյալներով, զորավարժություններին մասնակցում են առնվազն ութ ռազմանավ եւ 42 ինքնաթիռ: Նրանք շարժվում են միջին գծի երկայնքով: Եռօրյա պարամունքը կավարտվի երկուշաբթի օրը:

Նշենք, որ Չինաստանը թայվանը համարում է սեփական տարածք:

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՕՐԵՆՍԴՐԱԿԱՆ

ԱՆՁԻՆ ՕԼԻԳԱՐԽ ՃԱՆԱԶԵԼՈՒ ՀԱՐՅԸ ԿՈՐՈՇԻ ՀԱԿԱԿՈՈՒՊՅՈՒՆ ԲՅՈՒՐՈՆ

«Ապաօլիգարխացման» օրինագծում արտացոլված փոփոխության համաձայն, անձին օլիգարխ ճանաչելու հարցը կառավարության փոխարեն կորոշի հակակոռուպցիոն բյուրոն:

Փոփոխված օրենքի նախագծի համաձայն, հակակոռուպցիոն բյուրոն իր նախաձեռնությամբ կամ կառավարության անդամի, Ազգային անվտանգության խորհրդի, Ազգային բանկի, Պետական անվտանգության ծառայության կամ հաղորդակցման ազգային հանձնաժողովի մշտական անդամի ուղեգրի հիման վրա կսկսի անձին օլիգարխ ճանաչելու ընթացակարգը:

- Վեներելի հանձնաժողովը խորհուրդ տվեց, որ մարդուն օլիգարխ ճանաչելու գործընթացը չպետք է քաղաքականաց-

վի, եւ այս ընթացակարգը հնարավորինս կհեռացվի քաղաքականացումից: Այդ պատճառով անձին օլիգարխ ճանաչելու լիազորությունը Վրաստանի կառավարությունից փոխանցվել է հակակոռուպցիոն բյուրոյին,- ասաց իրավական հարցերով հանձնաժողովի նախագահ Ամրի Օխանաշվիլին:

Հիշեցնենք, որ «Ապաօլիգարխացում» այն 12 կետերից մեկն է, որը պետք է կատարի Վրաստանը Եվրամիությանը անդամակցության թեկնածուի կարգավիճակ ստանալու համար:

ԳՈՐԾԱԴԻՐ

ՍԱՀՄԱՆՎԵՅ ԲԺՇԿԱԿԱՆ ԾԱՌԱՅՈՒԹՅՈՒՆՆԵՐԻ ՀԱՄԱՐ ՀԻՎԱՆԴԻ ՀԱՄԱՎՃԱՐԻ ՎԵՐԻՆ ԶԱՓԸ

(Սկիզբը՝ 1-ին էջում)

ավելի, քան 1000 լարի: Նաեւ բազային փաթեթից օգտվողների համար՝ 30 տոկոս՝ ոչ ավելի, քան 1500 լարի: Բացվել է բազային փաթեթի շրջանակներում 500 եւ 1000 լարի արժողությամբ ֆրանչայզը (օգուտներ):

Կառավարության նիստում հաստատ-

վեց նաեւ չփոխանցվող հիվանդությունների կանխման եւ վերահսկողության 2023-2025 թվականների ազգային ռազմավարության գործողության ծրագիրը:

Ապրիլի 11-ի կառավարության նիստում քննարկվեց նաեւ կազմակերպված հանցագործության դեմ պայքարի 2021-2024 թվականների ազգային ռազմավարության 2023-2024 թվականների գործո-

ղության ծրագիրը: Նշենք, որ վերոնշյալ ծրագրում հաշվի են առնված Եվրամիության անդամակցության համար տրված 12 հանձնարարականների պահանջները, որոնց կատարման համար Վրաստանի խորհրդարանում հիմնվել է աշխատանքային խմբեր, որոնք էլ ներկայացնում են համապատասխան առաջարկությունները:

ՃԱՆԱԶՈՐԱԿԱՆ ԱՅՅԵՐ

ՎՐԱՍՏԱՆՈՒՄ ԶԱՅԱՍՏԱՆԻ ԴԵՍՊԱՆԸ ԿԱԽԵԹԻ ՏԱՐԱԾԱՇՐՋԱՆՈՒՄ ԵՎ ԾԱԼԿԱՅԻ ՄՈՒՆԻՑԻՊԱԼԻՏԵՏՈՒՄ



Չախից Աշոտ Սմբատյանը, Նիկոլոզ Ջանիաշվիլին եւ Վասիլ Չաուշյանը

Երկրամասի կենտրոն թե-
լավիում կայացավ դեսպանի

Վրաստանում Հայաստանի արտակարգ եւ լիազոր դեսպան Աշոտ Սմբատյանը այցելեց Կախեթի տարածաշրջան:

հանդիպումը Կախեթի տարածաշրջանում պետական լիազոր-նահանգապետ Գիորգի Ալադաշվիլի հետ: Հանդիպմանը, որին մասնակցում էին նաեւ թեւալիի քաղաքապետ Լեւան Անդրիաշվիլին եւ դեսպանության խորհրդական Լեւոն Ջարգարյանը, կողմերն անդրադարձան Վրաստանի եւ Հայաստանի բազմու-

ղը եղավ Դեղոփլիսձողարո մունիցիպալիտետում, հանդիպում ունեցավ քաղաքապետ Նիկոլոզ Ջանիաշվիլի հետ, ապա քաղաքապետի եւ սակրեբուլյուն Սաբաթյոյի մեծամասնական պատգամավոր Վասիլ Չաուշյանի ուղեկցությամբ այցելեց հայաբնակ Սաբաթլո:

Տեղի դպրոցում Աշոտ Սմբատյանը հանդիպեց գյուղի բնակիչների եւ դպրոցի մանկավարժների հետ:

Նշենք, որ ճանաչողական այցի շրջանակներում, Վրաս-

տանում Հայաստանի դեսպան Աշոտ Սմբատյանը ապրիլի 10-ին եղավ Ծալկայի մունիցիպալիտետում, որտեղ հանդիպում ունեցավ քաղաքապետ Իլիա Սաբաթիի եւ սակրեբուլյոյի նախագահ Իրակլի Գիգի-նեիշվիլի հետ:

Դեսպանը եղավ նաեւ Ծալկայի մունիցիպալիտետի Դաշբաշ, Դարագյուղ, Այազմա, Նարդեան, Ղուշչի, Ղալբիլիսա, Աշխալա, Խաչգյուղ գյուղերում, հանդիպեց տեղի բնակիչներին:

ՏԱՐԱԾԱՇՐՋԱՆ

ՄԱՌՆԵՈՒԼԻ. ՃԱՆԱՊԱՐՅԱՅԻՆ ԵՆԹԱԿԱՌՈՒՅՑՆԵՐԸ՝ ՈՒՇԱԴՐՈՒԹՅԱՆ ԿԵՆՏՐՈՆՈՒՄ

Ապրիլի 10-ին կենտրոնական եւ տեղական իշխանության մերկայացուցիչները ստուգել են Մառնեուլիի մունիցիպալիտետում ընթացող ճանապարհային ենթակառուցվածքների ստեղծման աշխատանքները:



Աշխատանքների ընթացքում ստուգվել են Վրաստանի տարածաշրջանի պետական լիազոր-նահանգապետ Գիորգի Դոխտուրիշվիլին, Վրաստանի խորհրդարանում Մառնեուլիի եւ Գարդաբանի մեծամասնության պատգամավոր Ջաուր Դարգալին, Մառնեուլիի քաղաքապետ Քեման Օմարովը, սակրեբուլյոյի նախագահ Ամիրան Գիրգաձեն:

Նշենք, որ ենթակառուցային ծրագրերն իրականացվում են տարածաշրջանային զարգացման հիմնադրամի եւ տեղական բյուջեի համաֆինանսավորմամբ, իսկ ընդհանուր արժեքը կազմում է 2 մլն 210 հազար 068 լարի: Ծրագրվում է 2023 թվականին Մառնեուլիի քաղաքապետարանի 10 գյուղերում կարգավորել ներքին ճանապարհային ենթակառուցվածքները: Ելք պատրաստեց ՅՈՒՆԵՍԿՈՒՆԻ

ԱԽԱԼՔԱԼԱՔԻ. GIPA MEDIA LAB-Ի ԴԱՍԸՆԹԱՑԻ ՓԱԿՄԱՆ ԵՎ ՄՐՑԱՆԱԿԱՐԱՇԽՈՒԹՅԱՆ ԱՐԱՐՈՂՈՒԹՅՈՒՆ

Ապրիլի 11-ին Ախալքալաքիում անցկացվեց Gipa Media Lab նախագծի լուսանկարչության դասընթացի փակման արարողությունը եւ մրցանակաբաշխությունը:

Շուրջ երկու ամիս տեւած դասընթացը, որը նախատեսված էր Սամցխե-Ջավախեթի եւ Քվեմո Քարթլիի տարածաշրջաններում բնակվող երիտասարդների համար, բաղկացած էր մու-

տիմեղիա պատմության, լուսանկարչության եւ ֆիլմարտադրության փուլերից: Սամցխե-Ջավախեթի մասնակիցներն իրենց աշխատանքները ներկայացրին ժյուրիին՝ հաջողված

պատմությունների հեղինակները պարգևատրվեցին լիցքավորիչներով, պլանշետով, հեռախոսով եւ ականջակալներով:

«Լավագույն ֆոտոպատմություն» անվանակարգում հաղթող է ճանաչվել «Ալիք մեղիայի» լուսանկարիչ, օպերատոր Արտյոմ Քոսյանը. նա պարգևատրվել է հեռախոսով:

ՇԱՀՈՒՄՅԱՆՅՈՒ ՄԱՆԿԱՎԱՐԺՆԵՐՆ ՈՒ ԱՇԱԿԵՐՏՆԵՐՆ ԱՅՅԵԼԵՅԻՆ ՎԻՐԱԶԱՅՈՑ ԹԵՄԻ «ՀՈՎԱՆՆԵՍ ԹՈՒՄԱՆՅԱՆԻ ՏՈՒՆ» ԿԵՆՏՐՈՆ

2023 թվականի ապրիլի 1-ին, «Մանկական գրականության միջազգային օրվա» առիթով, Մառնեուլիի մունիցիպալիտետի Շահումյան ավանի թիվ 1 հանրային դպրոցի 4-րդ դասարանի աշակերտներն այցելեցին Հովհաննես Թումանյանի թիվ 1-ի տունը որտեղ անցկացրեցին երկլեզու (հայերեն-վրացերեն) միջոցառում:

Աշակերտները նաեւ այցելեցին Գ.Լեոնիձեի անվան գրականության թանգարան, որտեղ դիտեցին «Թումանյանը թիվ 1-ի տուն» ցուցահանդեսը: Միջոցառումն ավարտվեց Խոջիվանքի Մեծաց մեծերի պանթեոն այցելությամբ, որտեղ գտնվում է Հովհ.Թումանյանի շիրիմը:

Միջոցառումը կազմակերպվել էր «Ես եւ հասարակությունը» առարկայի երկլեզու ուսուցման ուսուցիչ Անժելա Խաչատրյան-Մարգարյանի կողմից: Միջոցառմանը մասնակցում էին նաեւ դպրոցում երկլեզու ուսուցման համակարգող Նանա Գրիգորյան, 4-րդ դասարանի դասղեկ Վիլելմա Սարգսյանը, հայոց լեզվի ուսուցչուհի Աննա Թառնայանը:



Շահումյանի թիվ 1 դպրոցի մանկավարժները շնորհակալություն են հայտնում Վիրահայոց թեմի «Հովհաննես Թումանյանի տուն» գիտամշակութային կենտրոնի աշխատակազմին ջերմ ընդունելության համար:



ԱՎԵԼԱՅԵԼ Է ԿԵՆՍԱԱՊԱՐՈՎՄԱՆ ՆՊԱՏԱՆՈՒՆԵՐԻ ԹԻՎԸ

PMC վերլուծական կենտրոնի ուսումնասիրության համաձայն, Վրաստանում վերջին 5 տարում կենսաապահովման նպաստառուների թիվն աճել է 48 տոկոսով. 2022 թվականին, 2018 թվականի համեմատ, 209 հազարով ավելի շատ մարդ է նպաստ ստանում:

Նշենք, որ կենսաապահովման ծրագրի բյուջեն վերջին 5 տարում ավելացել է 358 մլն լարիով: 2018 թվականին նպաստի ծախսերը կազմել են 251 միլիոն լարի, իսկ 2022 թվականին՝ 609 միլիոն լարի:

ՋԵՐԲԱԿԱԼՎԵԼ ԵՆ ԿԵՂԾ ԴՈՒԱՐՆԵՐ ՎԱՃԱՌԵԼՈՒ ԶԱՄԱՐ

Վրաստանի չորս քաղաքացու են ձերբակալել կեղծված արժույթ ձեռք բերելու, պահելու եւ վաճառելու համար:

Ըստ հետաքննության տվյալների, հանցավոր խմբի անդամները 2023թ. մարտ-ապրիլին 6,1 հազարի կեղծ դոլարային թղթադրամներ են վաճառել եւ դրա դիմաց ստացել 3050 դոլար:

Հետաքննությունը նաեւ պարզել է, որ հանցագործների կողմից վաճառված կեղծ դոլարային թղթադրամները բարձր որակի են. դիմանկարներն ու անվանական արժեքի մակագրություններն արվել են խորը մետաղաբանական կնքման մեթոդով եւ պատրաստվել տպագրության միջոցով:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (13 ապրիլի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.5261
1 ԵՎՐՈ	2.7605
100 ՌՈՒԲԼԻ	3.0737
1000 ԴՐԱՄ	6.5081

ԱՊՐԻԼԻ 14-Ը «ՎՐԱՑ ԼԵԶՎԻ ՕՐ»

ԱԽԱԼՔԱԼԱՔԻՈՒՄ ԵՎ ՆԻՆՈՃՄԻՆԴԱՅՈՒՄ ՆՇՎԵՑ «ՎՐԱՑ ԼԵԶՎԻ ՕՐԸ»

Ապրիլի 14-ին, «Վրաց լեզվի օրվա» կապակցությամբ, Ախալքալաքիի «Ապագայի տանը» տեղի ունեցավ թեմատիկ միջոցառում:

Միջոցառմանը ներկա էին Ախալքալաքիի, Կուլուրդոյի եւ Կարիի միտրոպոլիտ Նիկոլոզը, վարդապետ Ալեքսանդր Քասրաշվիլին, Ախալքալաքիի մունիցիպալիտետի փոխքաղաքապետեր Թեյմուրազ Մեդեիլիձեն ու Սկրտիչ Մոդեսայանը, սակրեբուլոյի նախագահ Նաիրի Իրիցյանը:

Նշենք, որ Ախալքալաքիի «Ապագայի տանը» ամեն տարի տնօրեն Սաթենիկ Մահտեսյանը եւ ուսուցիչները կազմակերպում ու անցկացնում են «Վրաց լեզվի օրվան» նվիրված միջոցառումներ:

«Վրաց լեզվի օրվան» նվիրված միջոցառումն անցկացվեց նաեւ Նինոծմինդայի մունիցիպալիտետի Ղաուրմա գյուղի համրային դպրոցում:

Կրթօջախի սաները ներկայացրին «Մայրենի լեզու» թեմայով բանաստեղծություններ ու երգեր:



Նինոծմինդայի մունիցիպալիտետի քաղաքապետարանի մշակույթի, կրթության, սպորտի, հուշարձանների պահպանության, երիտասարդների հարցերի եւ տուրիզմի զարգացման ծառայությունը նվերներ հանձնեց միջոցառման մասնակիցներին:

ՄԱՅՐԵՆԻ ԼԵԶՈՒՆ ԵՐԿՐԻ ԻՆՔՆՈՒԹՅԱՆ ՀՂԹԱՆ ՈՒ ԶՐԱՆ Է

(Սկիզբը՝ 1-ին էջում)

Եվ եթե համաշխարհային հանրությունը մայրենի լեզվի դերի ու նշանակության ընկալումը վավերացրեց 2000 թվականին, ապա Վրաստանում «Վրաց լեզվի պաշտպանության, մայրենի լեզվի օրը» նշվում է 1990 թվականից՝ ի հիշատակ 1978 թվականի իրադարձությունների, երբ խորհրդային Միության ղեկավարության որոշմամբ, միութենական հանրապետություններում ազգային լեզուն զրկվում էր դեռեւս 1936 թվականի խորհրդային Միության սահմանադրությամբ վավերացված պետական լեզվի կարգավիճա-

կից, եւ այն վերապահվում էր միայն ռուսերենին:

1978 թվականի ապրիլին Թբիլիսիի կենտրոնում, Ռուսթավելու պողոտայի վրա, բազմահազարանոց հանրահավաքի պահանջն իր արձագանքը գտավ Մոսկվայում եւ խորհրդային իշխանությունն ընկրկեց՝ օրակարգից հանելով վերոնշյալ հարցը:

Խորհրդային Միության փլուզման նախօրեին՝ 1990 թվականին, երբ Վրաստանում իշխանության գլուխ եկան ազգային ուժերը, ապրիլի 14-ը հռչակվեց որպես «Մայրենի լեզվի օր» եւ իր կայուն տեղը գրավեց ազգային տոների օրացույցում:

ՀԱՅՐԵՆԻՔԸ, ԼԵԶՈՒՆ, ՀԱՎԱՏՔԸ ՄԵՐ ԱՊՈՒՊԱՊԵՐԻ ԹՈՂԱԾ ԳԱՆՁԵՐՆ ԵՆ



Մենք այսօր ուզում ենք պատմել Վրաստանի Մանուկի մունիցիպալիտետի հայաբնակ Չանախչի գյուղի բնակիչ Արթուր Բադալյանի մասին, ով սովորում է Թբիլիսիի Իվանե Ջավախիշվիլու անվան պետական համալսարանի ազգային փոքրամասնությունների «1+4» պետական ծրագրով վրացերեն լեզուն ուսուցանող, նախապատրաստական «զրո» կուրսում:

Մինչ իր մասին պատմելը, Արթուրը խնդրեց թերթի միջոցով շնորհավորել «Վրաց լեզվի օրվա» կապակցությամբ:

- Մայրենի լեզուն մեծաորոշ ավանդական այս տոնը նաեւ մեր՝ Վրաստանի ոչ վրացի քաղաքացիներին տոնն է, որովհետեւ երկրի պետական լեզուն խոնարհում է պահանջում նրանում ապրող բոլոր ազգերի ներկայացուցիչներից, - ասաց Արթուրը:

- Մենք գիտենք, - շարունակեց նա, - որ վրաց ժողովուրդն իր մայրենին ունենալու իրավունքը նվաճեց ոգու ուժով, երբ 1978թ. ապրիլի 14-ին, ի պատասխան ԽՍՀՄ իշխանության դաշնակից հանրապետություններում մայրենի՝ որպես պետական լեզվի արգելման փորձի, 100 000-անոց ընդդիմադիրներով դուրս եկավ բողոքի ցույցի՝ այդ կերպ կանխելով անարդար որոշումը: Պատմական այդ իրադարձությունից ի վեր, կարծում եմ, յուրաքանչյուր վրացու համար հավատամք է սրբազան ու-

ղենիչ է իր մեծ բանաստեղծ Իլիա Եավճավաձեի (1837-1907) ուղերձը. «Երեք Աստվածային գանձ մնաց մեր ապուսպներից՝ հայրենիք, լեզու, հավատք: Եթե սրանց տեր չկանգնենք, ի՞նչ մարդ կլինենք, ի՞նչ պատասխան կտանք սերունդներին»:

Անկեղծ ասած, հայիս համար հաճելիորեն զարմացալի է, որ վրացերեն չինացող Դերենիկ պապս, անտեղյակ այս կտակին, իր խրատներում միշտ հորդորում էր հարգել իր օրինյալ բնության նման բարեպաշտ զավակների տեր, հյուրընկալ ու մարդասեր այս երկիրը... Դեռ, երբ սկսեցի հաճախել դպրոց, նման մտքեր շատ լսեցի ուսուցիչներիցս, հատկապես՝ մեր դպրոցի տնօրեն Մանանա Մանուկյանից: Լինելով գերմաներենի ուսուցիչ՝ նա մեզ գիտակցել տվեց, որ կյանքում շատ կարելի է օտար լեզու իմանալը եւ, առաջին հերթին, այն երկրի լեզուն, որի քաղաքացին ես:

Ահա այս ներշնչումներով ուղղորդված էլ ավարտեցի Չանախչիի 9-ամյան, ապա՝ հարակից Աղբյուրի միջնակարգը եւ անվարան փաստաթղթերս հանձնեցի Թբիլիսիի Իվանե Ջավախիշվիլու անվան պետական ման-

կավարժական համալսարան, որպեսզի դառնամ այս երկրի լիարժեք քաղաքացին, անկաշկանդ, առանց լեզուն չիմացողի հոգեկան բարդության, բախեն ոչ պաշտոնական ու հարկ եղած պաշտոնական դռները:

Շուտով կդառնամ համալսարանի իմ երագած բիզնեսի եւ տնտեսագիտության ֆակուլտետի ուսանող: Որքան խորանում եմ վրացերենի ուսուցման մեջ, այնքան ավելի է ուժգանում լեզվին վարժ տիրապետելու ցանկությունս: Ի դեպ, հիմա, երբ ամեն օր վրացերենով չփվում եմ տեղի ուսանողության եւ աղբյուրների համակուրսեցիներիս հետ, նկատում եմ, որ կենդանի չփունջ լեզուն ավելի հեշտ է յուրացվում: Սովորելու հետ կապված դժվարություններ չունեմ, մինչեւ այսօր իմ հանձնած բոլոր քննությունները դրական են գնահատվել: Այստեղ գաղտնիքը մեկն է՝ ցանկությունը: Օրեցօր ավելի ու ավելի եմ համոզվում, որ պետական լեզվին տիրապետելը օգնում է իմ ինքնահաստատմանը, ավելի լիարժեք եմ կարողանում ծառայել ընտանիքիս, մերձավորներին:

Շնորհակալ եմ, որ այսօր երկրի իշխանությունների աջակցության շնորհիվ, նպատակս իրագործելու ճանապարհին եմ: Հուսով եմ, որ այս հաճելի փորձություններով լի ճանապարհը կանցնեմ հաղթանակով եւ նաեւ իմ պրոֆեսիոնալ տնտեսագետիս գործունեությամբ կծառայեմ Վրաստան երկրին:

ՋՈՒԼԻԵՏԱ ԲԱԴԱԼՅԱՆ

ԲԺԻՇԿ, ՄԱՆԿԱՎԱՐԺ, ԲԱՐԵԿԱՍ...

ՆՈՂԱՐ ԷՄՈՒԽՎԱՐԻԻ ԱՇԽԱՏԱՆՔԱՅԻՆ ՈՒՂԻՆ՝ ԱԽԱԼՑԻՒՆԵԻՑ «ՀԵԼՍԻԿՈՐ»



Լրացավ ակադեմիկոս, վաստակաշատ բժիշկ, հանրության կողմից «Ժողովրդական բժշկի» տիտղոսի արժանացած Նոդար Էմուխվարիի ծննդյան 80-ամյակը:

տելուց հետո, սկսել է աշխատել Ախալքալաքիի տեղի, որտեղ եղել է շտապ օգնության բժիշկ, ամբուլատորիայի վարիչ: Որպես վիրաբույժ՝ աշխատել է Վալեի հիվանդանոցում: Ինչպես հիշում է Նոդար Էմուխվարին, Ախալքալաքիի իր գործունեությունը թույլ տվեց հարուստ փորձ կուտակել, ինչը նպաստեց նրա հետագա մասնագիտական առաջընթացին:

Տեսական հարուստ գիտելիքներն ու պրակտիկ գործունեության արդյունքները թույլ տվեցին Նոդար Էմուխվարին զբաղվել մանկավարժական գործունեությամբ:

Նոդար Էմուխվարին ակտիվ մասնակցություն է ցուցաբերել բժշկական բուհին առընթեր սրտաբանական բաժանմունքի, վարակիչ հիվանդությունների կենտրոնի բացման գործում: Ներկա դրությամբ, նա միակն է, ով միաժամանակ բժշկական ինստիտուտի աշխատակիցն է ու դասախոսը եւ գլխավորում է մի ողջ բաժանմունք:

Հյուսիսային Աֆղանստանում եռամյա գործունեությունը Նոդար Էմուխվարին հարստացրին արտակարգ իրավիճակներում իր մասնագիտական պարտականությունները կատարել հարուստ ու բազմա-կողմանի փորձով: Եվ այսօր, իր 80-ամյա տարիների բարձունքից ետադարձ հայացք գցելով այդ տարիների վրա, նա հպարտությամբ է հիշում անցած տարիները, երբ առանց տարրական հնարավորությունների կարողացել է բարդ վիրահատություններ կատարել, փրկել հարյու-

րավոր կյանքեր:

Նոդար Էմուխվարիի համար արտակարգ նշանակալից է 2014 թվականը, երբ բացվեց Իսրայել-Վրաստանի համատեղ «Հելսիկորի» կլինիկան:

Սկզբում Նոդար Էմուխվարիի դուստր Թամարան Ալադաշվիլու կլինիկայի բազայի վրա բացեց, այսպես կոչված, կոլոնագրաֆի բաժանմունքը, ապա Թբիլիսիի Թեղորե Վարդապետի փողոցում գտան համապատասխան տարածք, որտեղ շենքի հինգ հարկերում այսօր գործում է բուժ-հաստատությունը:

Եվ ահա, յոթերորդ տարին է, ինչ կլինիկան արդյունավետ գործում է: Սկզբում այն սրտաբանական էր, թեւե ժամանակի ընթացքում բուժաստատությունն ընդլայնվեց եւ զարգացավ ու վերածվեց բազմաճյուղ բժշկական հաստատության, որը հազցեցված էր ժամանակակից բժշկական սարքավորումներով: Այսօրվա դրությամբ, կլինիկայում աշխատում է շուրջ 500 բուժաշխատող, բուժաստատությունը համալրված է արհեստավարժ բժիշկներով, ովքեր կարողանում են հրաշքներ գործել:

Նոդար Էմուխվարիի գլխավորությամբ, «Հելսիկորի» կլինիկայի բուժաստատությունում աշխատող բժիշկների համար, ամեն տարի ապահովվում է արտասահմանում պրակտիկական հարստացնելու հնարավորություն, նաեւ ակտիվ գործունեություն է ծավալվում արտասահմանում աշխատող ծագումով վրացի բժիշկների հայրենիք վերադարձնելու ուղղությամբ:

Զնայած իր համեմատաբար կարճ պատմությանը, «Հելսիկորի» կլինիկան իր գործունեությամբ արժանացել է բժշկական հանրության հարգանքին: Եվ պատահական չէ, որ կլինիկայի դարբնոցում կոփված շատ բժիշկներ այսօր աշխատում են Վրաստանի տարբեր բուժհաստատություններում:

Կլինիկայի հիմնադիր եւ առաջին գլխավոր տնօրեն Նոդար Էմուխվարին այսօր թողել է իր ակտիվ գործունեությունը, կլինիկայի ղեկավարությունը փոխանցել իր թոռանը՝ Արչիլ Նանթաձեին:

Նշենք, որ իրենց փառապանծ հոր մասնագիտական ուղիով են ընթանում նաեւ Նոդար Էմուխվարիի դուստրերը՝ Թամարան եւ Նինոն:

Նոդար Էմուխվարիի կողքին, կնոջից, զավակներից, թոռներից բացի, ապրել է նրա կյանքում մեծ տեղ են զբաղեցրել մարդիկ, ովքեր նշանակալից ավանդ են ներդրել նրա՝ որպես անհատի եւ արհեստավարժ բժշկի ձեւավորման գործում:

- Իմ ուսուցիչներն են եղել Վախթանգ Ալադաշվիլին եւ Դավիթ Տվիղիաձեն: Վախթանգ Ալադաշվիլու հետ Ալեքսանդր Ալադաշվիլու հիմնած կլինիկայում աշխատելու ժամանակ մեր ղեկավարն էր ճանաչված սրտաբան, ակադեմիկոս եւ ծայրաստիճան համակրելի Դավիթ Տվիղիաձեն: Նա Վախթանգ Ալադաշվիլուց «ընդունեց» իմ պաշտոնական առաջընթացի հոգսը եւ մեծապես նպաստեց դրան:

(Շարունակությունը՝ 5-րդ էջում)